



Samoan | Gagana Samoa

Saogalemu, Aiā Tatau, ma Fa'amasinoga Tonu Matati'a mo Fuafuaga Fa'atino Aotelega **2025 – 2027**

Aotelega o Fuafuaga Faatatau i Fa'atinoga mo le Saogalemu o Aiā Tatau ma Fa'amasinoga Tonu

O le Fuafuaga Fa'atatau i Fa'atinoga i le Saogalemu, Aiā Tatau ma le Fa'amasinoga Tonu (TAP) o lo'o fa'ata'atia ai gaioiga autu e puipuia ai tagata e iai a'afiaga tumau o le soifua mai le fa'aleagaina, e ala i le fa'atulagaina lelei ma le tu'ufa'atasia o faiga o 'au'aunaga, fa'aleleia atili lagolago mo i latou e ono afaina ma ia talafeagai ala o gaioiga pe a fa'aletonu mai. O le Saogalemu, Aiā Tatau ma le Fa'amasinoga Tonu TAP e fa'avae i luga o fautuaga mai le Royal Commission i Sauaga, Sauaina, Tu'ulafo'iina ma le Fa'aaogaina o tagata e iai A'afiaga Tumau o le Soifua (DRC) ma e atagia ai tulaga le fa'amuamua a nu'u o tagata e iai a'afiaga tumau o le soifua.

Mo nisi fa'amatalaga i TAPs ma le atina'eina o TAP taga'i i pepa o aotelega ale TAPs.

Tulaga i le taimi nei

E ui ina tutusa aiā tatau e pei o isi tagata Ausetalia uma, o tagata e iai a'afiaga tumau ole soifua e le maua ni taunu'uga tutusa i vaega o le saogalemu ma le fa'amasinoga tonu. O fa'atalanoaga a'o fa'agasolo le iloiloga o le ADS sa fa'aihoa mai ai se manaoga malosi mo le fa'ateleina o gaioiga e fa'amautinoa ai o aiā tatau o tagata e iai a'afiaga tumau o le soifua e fa'alauiloaina, lagolagoina, ma puipuia, ina ia lagona ai e tagata e iai a'afiaga tumau o le soifua le saogalemu ma fiafia i le tutusa i luma o le tulafono. E le gata i lea, o manatu fa'aalia sa maua i le ADS National Forum (2022) sa fa'aalia ai le saogalemu, aiā tatau, ma le fa'amasinoga tonu o lo'o avea ai pea ma ni tulaga faifaipea o popolega. Sa fia va'ai sui auai i se fa'atinoga e fa'atatau i le tali atu a le faiga fa'amasinoga tau solitulafono i tagata e iai a'afiaga tumau o le soifua.

O Sa'ilililiga Autu mai le DRC ua fa'aalia ai o tagata e iai a'afiaga tumau o le soifua ua sili atu ona fai ma sui i tulaga uma o le fa'amasinoga tau solitulafono, ma o lo'o fa'atupula'ia le tulaga lamatia o sauaga, fa'aleagaina, tu'ulafo'iina ma le fa'aaogaina i totonu. E ui ina tatou malamalama atili i mafua'aga o lo'o i tua atu o nei mea, ae o lo'o manino mai o le fa'aletonu o lo'o sili ona feagai ma tagata e iai a'afiaga tumau o le soifua, ma o tali e leai ni aogā ia i latou i totonu o le faiga fa'amasinoga tau solitulafono, e mafua ai nei taunu'uga le tutusa.

Mo tagata First Nations, ua sili atu ona leaga le tulaga. I le 2022, o le 33 pasene o pagota matutua o tagata o le First Nations, e ui o le 3.2 pasene e fai ma sui o le faitau aofa'i. I nofoaga fa'asala e taofia ai talavou, 61 pasene o le faitau aofa'i o tamaiti o le First Nations. I le taimi nei, o meafaigaluega su'esu'e ma auala e aoina ai fa'amaumauga e le'o fa'aihoa lelei pe fa'amaumau ai le aofa'i o pagota uma a Ausetalia e iai a'afiaga tumau o le soifua. O le leai o ni meafaigaluega su'esu'e fa'amaonia fa'ale-agantu'u o se mataupu fa'aopoopo lea mo tagata o le First Nations.

E ui lava i lea tulaga, e maualuga atu le aofa'i o tagata e iai a'afiaga tumau o le soifua i pagota ale First Nations ma e tele ina masani ona tupu su'esu'ega pe a ulufale i le falepuipui. E pei ona ta'uua i le taimi o le ADS National Forum (2022), afai e maua'a se tali lelei i fa'afitauali o lo'o feagai ma tagata e iai a'afiaga tumau o le soifua i totonu o le fa'amasinoga tau solitulafono, e tatau fo'ona iloilo mana'oga ma tulaga patino o tagata o le First Nations.

O le mea e leaga ai, o le to'atele o tagata e iai a'afiaga tumau o le soifua latou te le lipotia ni fa'alavelave sauā i leoleo pe sa'ilia se fautuaga po'o se lagolago. Pe a galulue leoleo, e lipotia e tagata e iai a'afiaga tumau o le soifua ni a'afiaga lē lelei, e pei o le:

- Lē talitonuina pe lē malamalama
- Ta'u atu ia aua le amanaia pe alo ese mai sauaga
- Talitonuina atu i le sui lea e solitulafono nai lo le tagata lea e faia le tagi
- Sese ona fa'aioloaina o ia lea sa faia le solitulafono.

Taunu'uga Autu ma Sini

O le ADS Vaega o Taunu'uga mo le Saogalemu, Aiā Tatau, ma le Fa'amasinoga Tonu o lo'o fa'amoemoe e fa'amautinoa le fa'alauiloa, taofimau ma puipuia aiā tatau o tagata e iai a'afiaga tumau ole soifua, ma ia latou lagona le saogalemu ma fafia i le tutusa o va'aiga i luma o le tulafono.

O le Fuafuaga Fa'atatau i Fa'atinoga mo le Saogalemu, Aiā Tatau, ma le Fa'amasinoga Tonu (TAP) e fa'atatau i le avea o Ausetalia ma se nofoaga mo tagata e iai a'afiaga tumau o le soifua e:

- maua ai le saogalemu
- lagona le saogalemu
- puipuia o latou aiā tatau
- fai tutusa ma isi tagata i totonu o afioaga.

O lenei TAP e iai fa'amoemoega nei:

- O faiga o fa'amasinoga o solitulafono e tali atu ma le aogā i mana'oga faigata ma vaivaiga o tagata e iai a'afiaga tumau o le soifua.
- O faiga fa'avae, faiga ma polokalama mo tagata e iai a'afiaga tumau o le soifua e fa'alauiloaina le tutusa o itupa ma taofia sauāga aga'i i vaega tagata e maualuga lamatiaga, e aofia ai tama'ita'i ma tamaiti.
- E saunia e fa'avae, faiga ma polokalama ni tali sili atu i tagata e iai a'afiaga tumau ole soifua o lo'o feagai ma fa'afitauali.

O gaioioiga e faia e tusa ai ma lenei TAP e tatau ona aofia ai ni auala fa'atulagaina e mafai ai ona aofia ai tagata ma vaega o lo'o feagai ma pa pupuni. O gaioiga e tatau ona fa'apitoa ona manatu pe fa'apefea ona fa'afetaui mana'oga o tagata e iai a'afiaga tumau o le soifua i nu'u i tua ma nofoaga maotua, o tagata First Nations e iai a'afiaga tumau o le soifua, tagata e iai a'afiaga tumau ole soifua mai aganu'u ma gagana eseese, tinā ma tama'ita'i e iai a'afiaga tumau ole soifua, tagata e iai a'afiaga tumau ole soifua e fa'aihoa mai ole vaega o LGBTIQ + ma tagata talavou e iai a'afiaga tumau ole soifua.

Gaioiga

O se vaega o le iloiloga o le ADS, sa fa'apea, o tagata e iai a'afiaga tumau ole soifua sa tu'uina atu ni fa'amatalaga latou te mana'omia le fa'aitiitia o TAP lea o lo'o taula'i i mataupu o lo'o ave iai le fa'amuamua e a'afia ai o latou olaga i aso ta'itasi. O lenei TAP e atagia ai lena manatu fa'aalia. E itiiti ni fa'atinoga e mafai ai ona fa'agasolo atili taunu'uga e aogā ma mafai ona lipotia.

O fa'atinoga fo'i o lo'o atagia mai ai manatu fa'aalia e tatau ona sili atu le fa'amaopoopo ma le fa'atutusa i le va o vaega uma o le malo. O lenei TAP e aofia ai sini ma gaioiga e 3 o se tautinoga fai fa'atasi a le malo a Taupulega ma setete ma teritori. E le gata i lea, ma pe a talafeagai ai, o malo o setete ma teritori o lo'o aofia ai gaioiga fa'asino i lo latou afioaga.

Aofiaga o Tagata e iai A'afiaga Tumau o le Soifua

Mo le fa'amautinoa le logoina e mataupu a afioaga ia TAP ta'itasi, o le a galulue fa'apa'aga le malo fa'alotoifale ma fa'alapotopotoga o a'afiaga tumau o le soifua mo le latou fa'atinoina. O auala e fa'atatau i lenei faiga o le a fa'apitoa i nu'u ta'itasi ma amata a'o le'i faia muamua se gaioiga. E ala i le auai i taimi popofou, o leo o tagata e iai a'afiaga tumau o le soifua ma a latou sui o fa'alapotopotoga o le a tāua tele i le logoina o faiga muamua ma le ta'iala lautele a TAP ta'itasi.

Mata'ituina ma Lipoti

Lipoti o le Alualu i Luma o le a lipotia i luga o se tausaga fa'aletupe ma o le a lomia i le fa'aiuga o Tesema i tausaga ta'itasi.